



Progèttu “**FAIDDHÈMU CUN TUTTU LU MUNDU – FAEDDAMUS CUN TOTU SU MUNDU**”

Finanziàtu da la Regioni Saldìgna cu’ la Legghji 482 di lu 1999, alticculi 9 e 15 e da la Legghji Regionali 22 di lu 2018.

Annualitài 2022

AVVISU PA’ LU CAMBIU DI LU SITTU WEB SIREN CUN UN SITTU NÓU ROSS 1000

Abboi illu tirrittóriu cun la Regioni Saldìgna



La Regioni Saldìgna Assessoratu di lu Turismu infolma chi la dì 3 di lu mesi d’Abrili è appustata la chjusura di lu sittu web SIREN trattatu finz’abali pa’ la gestioni e la comunicazióni di li presenzi turistici.

A lu postu di lu SIREN l’Assessoratu di lu Turismu, di l’artigianatu e di lu cummèlcio di Regioni Saldìgna ponarà a dispusizióni di tutti l’operadóri turistici di la ricettivitài (bon’accasagghju) lu sittu web ROSS-1000 chi poltarà nói manéri pa’ cunniscì li presenzi di li turisti in tutta la regioni.



ROSS-1000 è un suttu web fàccili di trattà e intuitivvu chi offri umbè di silvizi in agghjunta a chissi chi erani dispunibbili finz'abali e faci in modu di rindì lu trabaddhu chi v'è di fà più sèmplici.

Cun chistu suttu si podarani fà tutti li cosi chi li réguli dummandani, fèndi in modu chi lu trabaddhu chi vi ò pa' falli sia più cultu e ponarà a disposizioni statistichi e indicadóri pa' agghjutà illa gestiòni di l'attivitai, miminendi li sbagli e fèndi paldì dimancu tempu a l'óparadóri.

Tra li scòppi più ìmpulanti vi sò:

- La trasmissiòni di datti di lu muimentu turisticu pa' la rilevazioni di l'ISTAT;
- Attivitai pa' gisti l'arriàta, la paltènzia di li turisti (check-in/check-out) e appiù si podarà gisti lu calendariu, attrezza uttili pa' li strutturi chi no àni ghjà un suttu pa' gisti l'occupaziòni di li stanzi e pal mezu di chistu suttu aràni la possibbilitai di gesti li prenotazioni nò, avvilguendi in dugna momentu la dispunibbilitai chi àni;
- inviu automaticu di li datti di la pubblica siguranzia a lu suttu web di la Questura;
- agghjutu pa' calculà la 'mposta di soggiorno;
- stampa di li 'nfulmazioni di dà a li stragni innantu a la risilvatesa di li datti;
- funzioni pa' cunfruntà lu trabaddhu chi dugnunu faci cun chissu di l'alti strutturi;
- statistichi sempri nò pa' agghjutà li strutturi a fà pulittichi di prummuzioni pa' dà valori a la propria attivitai.

Appiù ROSS-1000 è integratu cun più di 130 programmi (software) di gestioni di l'allogghji, dunca li strutturi turistici chi ghjà trattani un programma di chisti podarani invià li dati in manéra sèmplici e lestru, pal mezu di chisti manéri:

- garrigà (upload) li documenti fatti da lu programma cun fulmatu (.txt e .xml);
- invià li dati in manéra automatica pal mezu di lu silviziu web (web service), siddhu chi chista è una manéra pussibbili illu programma.

Chistu suttu è trattatu a livellu nazionali da lu Ministeru di lu Turismu com'è modellu pa' li rilevazioni di li datti pa' lu turismu, è trattatu abali in 11 Regioni Italiani e da più di lu 70% di li strutturi ricettivi innantu a lu tirritoriu nazionali chi lu tratta dugna dì cun risultati bòni.



Pa' rindi più fàccili lu passagghju di l'innóvazioni, chistu Assessoratu, in collaborazioni cun lu "Gruppu Infulmatica e Silvizi GIES Srl" (societai chi produci lu programma ROSS-1000) à appustatu ciurràti di fulmazioni innantu a tuttu lu tirritoriu regionali, chi àni com'e miramentu chissu di prisintà lu sittu nóu a l'oparadóri, di spiegà li funzionalitai, avvilguà comu funziona e frunì tutti li 'nfulmazioni più 'mpulanti.

Chist'abboi sò pa' tutti l'oparadóri e si faciarani illi nostri tirrittóri sighendi lu calendariu assintatu chici infattu:

- **la dì 22 di lu mesi di Malzu di lu 2023 (22/03/2023)**
a paltì da li 9 e mezu di matinata (09:30) – **Tarranóa**
Illa stanza di li Conferenzi indrentu a lu Museu Alcheologicu, illu Molo Brin
- **la dì 22 di lu mesi di Malzu di lu 2023 (22/03/2023)**
a paltì da li 3 e mezu di la sirintina (15:30) – **Nùaru**
Ill'Auditorium di lu Museu di lu Costumu, Carréra Antoni Mereu, 56
- **la dì 23 di lu mesi di Malzu di lu 2023 (23/03/2023)**
a paltì da li 9 e mezu di matinata (09:30) – **Tortolì**
Ill'Istitutu Tecnicu Industriali di Tortolì, Carréra Antoni Scorcu, 12